

Dienelkander



Nuusbrief van die Gereformeerde Kerk Potchefstroom-Oos

Sondag, 14 April 2013

OGGENDDIENS: ds Karel

Skriflesing: Psalm 124

Teks: Psalm 124:8

Tema: Jesus Christus is jou hulp. Lewe hierdie verklaring in die erediens van jou lewe!

Die laaste woorde van Psalm 124 is sekerlik van die mees bekende woorde in ons erediens - "Ons hulp is in die Naam van die Here wat die hemel en die aarde gemaak het." Ons begin ontsettend baie van ons erediens met hierdie verklaring van Wie ons hulp is en tog raak ons dikwels só gewoon hieraan, dat ons bykans die rykdom van hierdie verklaring vir ons hele lewe mis. Hierdie woorde is tydloos, plekloos en was gesing soos die Israëliete na en van Jerusalem gereis het. Hoe is dit vandag vir ons van waarde op ons lewenspad?

Wat is liturgie en wat beteken dit vir my?

Wat is die votum?

Eerste deel van Woorddiens

Skriflesing; Lied na Skriflesing: *Eer aan Hom nou!* (melodie Lied 203); Prediking

Ontmoetingsdiens

Votum, Seën ; Lofsang Ps. 146-2: 1, 3, 6; Geloofsbelydenis; Ps 46-2: 1, 2, 3

Verootmoedigingsdiens

Wet: Eksodus 20; Sing Ps 79-2:5, 6 (melodie Ps 145); Vryspraak 2 Korintiërs 5:21-6:2

Tweede deel van Woorddiens

Gebed, Skriflesing Psalms 43:3; 95:6-7; 121:1-3; 131:1-3

Antwoorddiens

Gebed; Liefdegawes; Gebed vir BnB; Sing Ps 121-1: 1, 2, 4; Seën; Sing Sb 13-2.

AANDDIENS: ds Piet

Skriflesing: Daniel 6

Teks: Daniel 6: 21 - 23

Tema: God leer jou om Hom te vertrou.

Wonder jy ook dikwels hoekom daar moeilike tye in jou lewe kom en dikwels slegte dinge met jou gebeur? Ons het Woensdagoggend 'n aangrypende getuigenis van Johan van Wyk gehoor na 'n lewensveranderende motorongeluk en lees ook vandag onder die Dankbaarheidsrubriek van God se ingrypende genade.

Die wonderlike is dat die Here moeilike tye en soms ook slegte gebeure gebruik om ons te leer om Hom te vertrou. So algaande leer ek dan om werklik te verstaan wat Sy sorg en Sy liefde beteken

as ek in die krisis staan. Kom ons leer deur die oë van Daniël om na ons eie lewe te kyk en te leer om God te vertrou.

Vooraf sang

Lied 188: 1,2,3 en Lied 525: 1,3.

Ontmoetingsdiens

Intreelied Ps 25 - 1: 1; Votum, Seën ; Lofsang Ps 46 - 1: 1,3,6.

Woorddiens

Gebed, Skriflesing, Sing Ps 18 - : 9,10 ; Woordbediening;

Antwoorddiens

Geloofsverklaring; Bevestiging van diaken; Sing Ps 20 - 1: 2; Liefdegawes; Sing Ps 25 - 1: 6,7; Seën; Sing Sb 13 - 3.

MEELEWING

- Oom Johan Coetzee (wyk 4 - 083 985 9465), ons koster, is met prostaatkanker gediagnoseer. Ons bid hom en tannie Elsa sterkte toe met die behandelingspad wat voorlê.
- Pieter Bredenkamp (wyk 24 - 082 879 7507) het Donderdag 'n rugoperasie in Krugersdorp ondergaan. Die operasie het goed afgeloop en hy sal nog 'n paar dae daar moet deurbring.
- Tannie Ria Wahl (wyk 6 - 082 473 4788) sterk aan in Mooimed weens 'n hartkwaal.
- Oom Hennie van den Berg (wyk 1 – 082 413 9247) was in die Provinsiale Hospitaal nadat hy geval het. Hy is egter reeds ontslaan en sterk tuis aan.
- Aneleh Schutte (wyk 5 - 082 339 5547) beleef ergere rugpyn, agv limbale diskus disfunksie in die laer rug. Sy word Dinsdag opgeneem in Nedcare, Krugersdorp vir waarneming en 'n moontlike operasie.

Ons bid dat die Here spoedig beterskap en herstel sal gee.

ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID

Br Hennie vd Berg, Sr Sannie Reyneke, Sr Filina Coetsee, Sr Marianne Kruger, Sr Bettie Ras, Sr Janet vd Walt, Sr Tokkie Theunissen en Sr Nella Swanepoel.

ONS VERWELKOM

- Jan en Riana Heystek wat by ons aansluit vanaf die Geref. Kerk Bellville-Oos. Hulle woon in Ditedulaan 17, Bailliepark en is in wyk 8.
- Ruan de Vos wat met attestaat aansluit vanaf Pretoria Totiusdal. Hy woon in OR Tambolaan 120, wyk 31.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel vir:

| | |
|------------------|-------------------------------|
| Anna Smith | 082 765 9813 |
| Marian de Kock | 082 950 4358 |
| Marique Reichel | 082 657 4508 |
| Annatjie Grobler | 073 258 7833/ 018 290 9974 |
| Marietjie Venter | 082 852 6870/ 018 290 6266 |

of e-pos siekes@oosdoppers.co.za

AFKONDIGINGS

Die volgende aktiwiteite vind DV hierdie week plaas:

Vandag

09:30 Gebedsgroep

10:00 Oggenddiens

Kleuterbediening

Uiters belangrike vergadering met alle ouers

Katkisasie (klasse binne kerk self moet elders byeenkom)

Tee en koffie in die Skuur

18:00 Aanddiens

Maandag

17:15 Katkisasie (Gr. 9)

18:00 Oosdopperfees

19:00 Gebed & Ondersteuning

19:00 Kommunikasiekommissie

Dinsdag

06:00 Manne Ondersteuningsgroep

18:00 Sustersbestuur

18:30 Bediening na Buite

18:30 Ouderlinge gebedsgroep

Woensdag

09:30 Bybelstudie

16:30 Katkisasie (Gr. 10)

17:15 Katkisasie (Gr. 8 en 11)

18:00 Diakonie dagbestuur

19:00 Bybelstudie

19:00 Beginpunt

Donderdag

09:30 Carritas

18:30 Wyksbyeenkoms: Wyk 19 & 20

Vrydag - Saterdag

Gebedsverrykingsseminaar

Gesamentlike Jeugaand en erediens by Die Bult gemeente op Sondag, 21 April

Gesamentlike Erediens

Ons sien uit na ons volgende gesamentlike erediens om 18:00 by Die Bult. Ds Willem Steyn lei die erediens. Die volwassenes het dus genoeg tyd om eers die kinders om 17:45 by die saal af te laai.

JEUGBEDIENING 17:45

Laerskooljeug

Ons laerskooljeug tot gr 6 kom reeds om 17:45 by Die Bult se kerksaal bymekaar om voort te gaan met hulle tema: **Soldaat vir Christus**. Ons sien uit daarna om al die maats weer daar te sien.

Hoërskooljeug 17:45 in die koffiekamer van Bult agter die kerksaal

Na aanleiding van die Jeugsinode wat ons verlede kwartaal gehou het en waar die hoërskooljeug hulle behoeftes uitgespreek het, keer ons terug na 'n aparte byeenkoms vir die gr 7 - gr 12 jeug. Een van die temas wat hulle self voorgestel is: **Ek pas nie in nie....wat nou?** Hierdie tema word deur **Heleen Coetzee aangebied**. Heleen is 'n sielkundige wat baie goeie aanklank by jongmense vind en sy gaan julle begelei om antwoord op hierdie moeilike vraag te vind. Na die tema gaan julle jeugleiers aanwys wat in die toekoms self julle jeugaande gaan reël. Ons sien julle almal daar en bring gerus 'n maat saam wat dalk saam met jou worstel oor jou plek in die lewe. Ons versoek ons ouers vriendelik om nie die jeugbyeenkoms van die hoërskoolkinders by te woon nie.

Ons doen 'n beroep op **ons ouers** om die kinders te bring, want uit die Jeugsinode het dit skokkend duidelik geword dat dit dikwels die ouers is wat kinders weerhou van die jeugbediening.

DS PIET SE LANGVERLOF BEGIN MÔRE

Die kerkraad het 3 maande langverlof aan ds Piet toegestaan waarop hy volgens sy beroepsbrief na 5 jaar bediening geregtig is. Dit is vir die tydperk 15 April tot 15 Julie. Gedurende hierdie tydperk sal hy voorbereidings doen vir die 5 weke fokustydperk op ons bedieningstrategie in Aug - Sept vanjaar. Hy sal riglyne vir preke, Bybelstudies, kleingroep-gespreksriglyne, huisbesoekriglyne, gebedskalender ens. voorberei. Hy gaan ook in hierdie tydperk poog om heelwat werk te doen vir die Deputate Omkeerstrategie waarvan hy voorsitter is.

Bedieningsreëlings tydens sy langverlof

Katkisasieklasse

Sy katkisasieklasse op Woensdae gaan soos normaal voort onder leiding van prof Francois Muller. Die belydenisklas sal dus op datum bly met hulle werk met die oog op belydenisaflegging.

Bybelstudies

Klipdrifbybelstudie gaan voort onder leiding van oudl Koot van der Walt.

Woensdagoggende Bybelstudie gaan voort onder leiding van ds Karel.

Woensdagaande Bybelstudie gaan voort en sal deur verskillende lede van die groep gelei word.

Pastorale werk

Enige pastorale bediening wat in sy deel van die gemeente (Wyk 17 - 34) voorkom sal deur die betrokke wyksouderling en ds Karel hanteer word.

Ek is baie dankbaar vir die geleentheid en besef terdeë die groot voorreg daarvan. Ek laat die gemeente met gerustheid onder die bekwame leiding van ds Karel en die kerkraad. Baie dankie aan diegene wat vir my instaan gedurende hierdie tydperk.

Ds Piet

VERJAARSDAE

Baie geluk aan almal wat DV dië week verjaar!

Sondag, 14 April

Sr Hannelie Coetzer 084 580 0201

Maandag, 15 April

Sr Chanelle v As 083 501 7181

Dinsdag, 16 April

Jbr Schalk de Vos 083 293 2928

Woensdag, 17 April

Br Willie de Kock 083 461 2318

Sr Gina vd Walt 084 405 3328

Sr Riekie Schutte (78) 079 669 1588

Donderdag, 18 April

Sr Marietjie Scheepers (84) 083 391 0730

Sr Griet du Preez (82) 083 464 6553

Vrydag, 19 April

Br Riaan Truter 071 895 5722

Sr Mariette Claasen 082 563 8069

Jsr Annerie Kruger 018 290 5691

Sr Tharina vd Walt 072 119 6828

Saterdag, 20 April

Sr Mariaan Scholtz 084 245 9353

Br Grobbie Grobler (77) 018 290 9974

Sr Magda Huisman 084 548 2714

ANDER AFKONDIGINGS

- Liefdegawe vanoggend vir Barmhartigheid.

Die Diakonie ervaar 'n tendens van toenemende behoefte by lidmate om finansiële ondersteuning. Kom ons wat genoeg van die Here ontvang, gee ruim met vrywillige harte om die Diakonie in staat te stel om die groeiende behoeftes te kan ontmoet.

- Gawe by die deure vanoggend vir die Emeritusfonds.
- Gawe volgende Sondag vir Die Kerkblad.
- Vrywillige bydrae vir voertuigsekuriteit kan in die bussies by deure gesit word.
- Diensbeurte: Wyk 29 en 30.

WERKSWINKEL IN GEBEDSVERRYKING EERSKOMENDE VRYDAG EN SATERDAG – Prof Ben de Klerk

Ons nooi alle lidmate uit na 'n Gebedsverrykingwerkswinkel wat deur prof Ben de Klerk gelei word. Die Here Jesus het nooit sy dissipels leer preek nie, maar wel leer bid. Ons behoort dus ook te vra: "Here, leer ons om te bid".

Die program lyk soos volg:

Vrydagaand, 19 April

19:00 - 20:30 Waarom bid?

Saterdagoggend, 20 April

8:00 - 9:30 Hoe bid ek?

10:00 - 11:30 Hoe bid ek in die openbaar?

11:30 - 12:00 Gebed, die Omkeerstrategie en ons Bedieningsfokus

Die sessies word prakties aangebied en beloop om vir ons almal verdieping in ons gebedslewe te bring.

JEUGNAWEEK - 11 EN 12 MEI 2013

Die Jeugbedieningskommissie beplan vir die naweek van 11 en 12 Mei twee jeugaksies vir al die katkisanter van die gemeente. Op 11 Mei gaan ons almal saam bietjie stap (so dink nou al wat ma vir jou in jou rugsak moet pak) en 12 Mei gaan ons almal saam met die jongmense van Klipdrift kuier na die oggenddiens. Die jeugkommissie wil asseblief alle ouers aanmoedig om hulle kinders hierby betrokke te kry en ook om te help met die vervoer op die Saterdag en Sondag. Meer inligting sal later gegee word.

Inligting waar Prof Lennox se optrede besigtig kan word

Prof. Lennox het Maandagaand 18 Maart in 'n stampvol auditorium op die PUK met studente en dosente gepraat oor ons antwoord aan die nuwe ateïste. Heelwat mense kon nie plek kry nie en daar was ook navrae uit Klerksdorp waar die optrede gesien sou kon word.

Die video van Prof Lennox se voordrag (Science, faith and the new atheism) kan gesien word by

<http://youtu.be/DwUzF1ivkpM> Hierdie video is "unlisted" en kan slegs via die skakel (link) besigtig word. Neem kennis dat die video in Firefox oopmaak en nie met Internet Explorer nie. Indien jy nie Firefox op jou rekenaar het nie, sal jy dit eers moet aflaai en installeer voor jy die video kan kyk.

DANKIE HERE VIR

Hoe kan 'n mens in woorde jou dankbaarheid en verwondering beskryf as jy God se onbeskryflike grootheid en liefde eerstehands ervaar het en sy teenwoordigheid kon aanvoel! Dis onmoontlik om dit werklik na waarde te doen.

Ons was van Botswana af op pad Pretoria toe – manlief in die voertuig voor my met 'n vol sleepwaentjie en ek agterna met 'n leë sleepwa. Dit is toe dat die onverwagte gebeur het. In 'n fratsongeluk het my sleepwa se koppeling op die hobbelrige pad van die motor se haak afgewip. Toe dit gebeur, is my motor lelik heen en weer geruk, uiteindelik van die pad afgepluk en toe die sleepwaentjie rol, omgeruk, sodat ek tot stilstand kom en terugkyk in die rigting waarvandaan ons gekom het. Van die sleepwa se wrakstukke het ek later aan die oorkant van die pad gaan optel – die vlieënde stukke het nie die swart man en sy kind getref wat daar oorkant gestaan en wag het nie en ook nie die groot bus wat van voor af aangekom het nie!

Die swart man het na my toe gehardloop toe ek die motor afsluit en uitklim, sy oë so groot soos pierings en hy het net die heeldyd gesê: "Our God is great!". 'n Kilometer daarvandaan was 'n gehuggie wat as garage dien en waar ons die kar se bande wou probeer pomp. Derick Cholo, 'n swart man uit Gauteng, het by ons gestop, die waentjie bekyk en terwyl hy sy kop geskud het, gesê: "God blessed you today. I will help you to fix the wheels."

Ek het uit die kar geklim, sonder 'n skrapie, bloukol of seer spiere, die los goed wat op die sitplekke gelê het, nog steeds net waar ons dit neergesit het, terwyl die kar letterlik van sykant tot sykant geslinger is en omgetol het. Ek kon die motor glad nie beheer nie. Die Here se

hande was bo-oor myne op die stuurwiel – daarvan is ek baie oortuig. Net die agterste modderskerm het 'n klein duikie en barsie in en die wiele was pap as gevolg van klippies wat tussen die velling en die band ingegaan het.

Wat die wonder en genade nog groter maak, is die feit dat die onderstel van die waentjie nog perfek in een stuk was met stywe bande en al. Die disselboom van die waentjie was perfek, met die slot waarmee dit toegesluit was nog gesluit – ons moes dit oopsluit voordat ons weer die waentjie kon haak. Selfs die elektriese konneksie was heel en die flikkerligte, remligte en alles het nog perfek gewerk. Ek dank God ook vir my dierbare lewensmaat wat nooit een enkele woord van verwyd of negatiewe gehad nie – net diepe dankbaarheid. Hy het alles in die truspieëltjie sien gebeur!

Voorwaar, die Here werk op wonderlike maniere – ons taak hier op aarde is nog nie afgehandel nie. Mag Hy ons lei, bekwaam en gewillig maak om vir Hom te werk waarvoor en waar Hy ons in sy almag ook wil gebruik.

DEELNAME AAN, KOMMENTAAR OP EN VRAE OOR DIE PREDIKING

Ons wil graag lidmate se deelname aan die prediking verbeter en gaan voortaan elke Sondag in die voorportaal pamfletjies plaas waarop jy kommentaar op of vrae oor die dag se boodskap kan lewer of vrae. Plaas hierdie pamfletjie in die “Versoeke houër” wat daarvoor in die voorportaal aangebring is. U kan ook by wyse van epos, Whatsapp of Facebook u vrae aan die predikante stuur. Die betrokke predikant sal dan die volgende Sondag of in die Dienelkander of kortliks mondelings daarop terugvoer gee tot voordeel van die hele gemeente. **Ons wil**

u aanmoedig om hiervan gebruik te maak.

WYKSBYEENKOMSTE

Hierdie week het Wyk 19 & 20 byeenkoms, op Donderdag 18 April om 18:30 in die Skuur. Hoop om julle almal daar te sien!

Volgende week, 25 April om 18:30, is dit die wyksbyeenkoms van wyke 21 en 22, terwyl wyke 26 en 28 op Sondag 28 April hul wyksbyeenkoms het. Die tyd vir wyke 26 en 28 se wyksbyeenkoms sal later bevestig word.

Die doel van die wyksbyeenkomste is dat ons mekaar kan leer ken en dat ons saam praat oor die bediening in en van die gemeente. Maak asseblief 'n poging om hierdie byeenkomste by te woon.

KENNISGEWINGBORD

- Residentia bied 'n Suid-Kus toer vir senior lidmate aan te Mooi Hawens naby Winkelspruit.
- Skolieskamp Gr 10-12 7 tot 12 Julie 2013

GEBEDE VIR BEDIENING NA BUITE UIT “DIE SAAIER”

Switserland: Ons dank die Here vir al die geleenthede wat ons gekry het om die Bybel in ons sekulêre samelewing te bevorder. Ons is dankbaar vir die sukses van ons projekte om die Bybel toeganklik te maak vir gevangenis en migrante in 'n taal wat hulle kan verstaan. Bid ook vir ons raadslede, ons klein, maar toegewyde personeel, vir ons donateurs en ander vennote. Bid ook vir ons werk in Liechtenstein.

Frankryk: Ons wil veral in die Bybelbehoefte van 15- tot 20-jariges voorsien. Die interkerklike ZeBible, bied

aan hulle 'n alternatiewe ondervinding - 'n interaktiewe film, 'n daaglikse Bybelteksvers op Facebook en 'n reeks op die Internet.

Bid dat dië Bybel vir baie jongmense 'n plek sal wees waar hulle God, die Bron van lewe, sal ontmoet. Bid vir ons gevangenisprojek, dat dit aan gevangenis nuwe hoop sal bring.

Engeland & Wallis: Bid saam met ons vir al ons verskillende pogings om die Bybel onder die aandag van ons sekulêre samelewing te bring en interaksie met die Bybel te bevorder. Dit sluit onder andere 'n filmkompetisie in. Bid ook vir ons fondsinsamelingspoging om straatkinders in Bolivia en Ecuador met die Bybel in aanraking te bring. Bid vir ons Bybel-per-Maand Klub.

SUID-DOPPER BASAAR

Die Gereformeerde Kerk Potch-Suid nooi almal hartlik uit na hul Basaar. Kom doen u vleisaankope daar en koop sommer iets lekkers vir Saterdag middagete !

Wanneer: 27 April 2013 (Vryheidsdag)
Waar: Potch - Suid Kerkterrein

Kom en geniet dit saam met ons!

BAIE DANKIE

Geref. Gemeente Potchefstroom-Oos
Dit is met dankbare harte dat ons u donasie van R2180.00 op 18 Maart ontvang het.

(Kollekte by Gemeentekamp se erediens)
Ons broers en susters gaan gebuk onder geweldige vervolging agv hulle geloof in Christus en hulle wonder dikwels of hulle sal kan volhard en of daar iemand is wat verstaan en omgee. Dit is met behulp van vriende soos u dat ons die vermoë het,

om in die behoeftes van die vervolgte Kerk te voorsien. Dankie dat u reageer op God se leiding. En dankie dat u 'n antwoord op gebed is.

Mag die Here u seën vir u vrygewigheid.
Gerrit Coetzee
Direkteur Geopende Deure SA

Bediening na Buite

Die Here is goed vir ons, Hy seën die bedieninge by Klipdrif en Syferfontein. By altwee die punte groei die getal mense wat deelneem en aansluit konstant. Peter en Johan wat altwee voltyds studeer kan nie alleen die bedieningsbehoefte hanteer nie.

HET ONS HULP NODIG?

NIE VIR GROOT DINGE NIE MAAR VIR DIE KLEINTJIES WAT ONS AANDAG VAN DIE BEDIENING AFTREK

Ons benodig mense wat help organiseer, oproepe maak, opvolg oor vordering. Ons vergader Dinsdag aand 18:30 in die konsistorie.

As u nie die vergadering kan bywoon nie, maar u hulp wil aanbied, kontak my by:
079 395 2789
Koot v d Walt

PROJEKTE

Oosdopperfees: Ons volgende projek vir die jaar is die **Oosdopperfees** op 25 Mei 2013! Wat 'n feesgeleentheid is dit nog elke jaar! Ons sien met opgewondenheid uit daarna!

Behalwe die reeds bekende **Vleisverkoop** waarna baie mense uitsien en die vrieskaste leeg hou, is daar baie ander lekker dinge wat ons dag vul.

Boeke / CD's / DVD's / Tydskrifte

Ons wil graag julle al aanmoedig om vir die Boeke Oase die oortollige boeke in jul kaste te bring sodat ons dit daar beskikbaar kan stel aan lidmate. Die Boeke Oase was verlede jaar ons beste stalletjie by die Oosdopperfees en het ook die meeste fondse gein! Bring gerus die wat jy verlede jaar daar gekoop het en klaar gelees het, sodat ons dit weer met ander kan deel! Enige navrae oor die boeke oase kan by Ment Larney gedoen word.

Daar het ook 'n voorstel gekom uit die gemeente dat ons ou **CD's en DVD's** by die boeke voeg. As jul dus klaar gekyk is en die DVD's en CD's gaar net stof op - moet julle asseblief dit vir ons bring. Iemand anders kan dit weer geniet!

Ons **Handelshuis** is elke jaar 'n groot treffer en julle kan solank beplan wat jy gaan bydrae vir die handelshuis. Goeie gebruikte klere, gebak veral koeke (een laag) en klein koekies, konfyte, ingelegde vrugte, eiers, groente, plante, biltong, houtspeelgoed, bruikbare tweedehandse speelgoed, ens. Die jaar vra ons ook ou **tydskrifte** soos die Finesse, Leef ens. wat nog in 'n goeie toestand is. Dus enige iets wat jy kan bydrae vir ons Handelshuis is baie welkom.

Die **Poedingtafel** is altyd 'n moet by die Oosdopperfees en hier is jou kans om jou lekkerste poeding vir ons te bring! Beplan asseblief betyds en maak seker dat ons elkeen 'n lekker bakkie poeding kan eet hierdie jaar!

Vlugbal ("Volleybal") kompetisie - Ja dit is ook nou al 'n instelling by ons fees en hier is jul kans om daarby betrokke te raak! Al die jonges van gees kan deelneem en solank begin oefen. Praat

met Gerrie van Deventer as jy graag wil deelneem.

OORWINNINGSFEES 2013

Saterdag 20 April om 18:30 in die kerkgebou van Geref Kerk Potchefstroom Die Bult, Molenstraat.

Kom na ons sangfees waar ons tussen Paasfees en Hemelvaart die oorwinning van Jesus Christus te vier. Die samesang word afgewissel deur die sopraan Antoinette Olivier, Molen Korus onder leiding van Lorette du Toit en Kobus Venter, instrumentaliste soos Human Coetzee en Anja Viljoen, en begeleiding deur die trompetspeler Simon Korb en orreliste Jetty van Rensburg en Annatjie Verhoef. Suzette en Cecile Eloff sal die voorlesings doen.

'n Sagte kollekte sal gevra word. Die opbrengs gaan ten bate van die Reddersburgse Kinderhuis.

BEROEPE NUUS

BEROEPE ONTVANG

- Ds GS Kruger van Centurion na Koster as medeleraar.

BEROEPE AANVAAR

- Ds HJ Stoltz van Bloemfontein-Suidheuwels na Ontdekkers.

BEROEPE BEDANK

- Dr JA Erasmus van Odendaalsrus na Empangeni.
- Ds C Jooste van Wonderboompoort na Heidelberg.

SUSTERS



TEESKINKGELEENTHEID

Tee word vandag bedien deur wyke 13, 15 en 20. Baie dankie vir die dames wat help met die skink en opwas!

Daar is weer vandag poeding beskikbaar teen 'n donasie. Die geld wat hiermee geïen word, word vir die Koningskinders aangewend. Onthou 'n donasie van ± R8 per bakkie poeding, dit is 'n billike riglyn en baie waarde vir jou geld!

KWARTAAL PROGRAM – 2de Kwartaal

| DATUM | DAG | TYD | WIE | WAT |
|-------------|------------|----------------|------------|-------------------------------------|
| 16-Apr | Dinsdag | 18:00 | Bestuur | Susterbestuursvergadering |
| 23-Apr | Dinsdag | 18:00 | Wyksusters | Wyksustersvergadering |
| 19 Mei | Sondag | 16:00 | Blok A | Kerkraadsvergadering - verversings |
| 20 - 24 Mei | Maan - Vry | 13:00 en 18:00 | Naamlys | Oosdopperfees - Vleiswerk - etes |
| 25 Mei | Saterdag | 09:00 | Almal | Oosdopperfees |
| 26 Mei | Sondag | 17:30 | Blok A | Jeugaand (Oos) |
| 02-Jun | Sondag | 19:00 | Blok B | Ouderlingevergadering - verversings |
| 04-Jun | Dinsdag | 19:00 | Blok D | Sustersamekoms |
| 09-Jun | Sondag | 12:00 | Blok C | Nagmaalete |

MELKFONDS

Ons herinner u aan ons melkfonds - ons wend die geld aan om elke Sondag die bederf van melkkoffie te kan geniet! Ons waardeer u bydraes hiervoor baie!

BAIE DANKIE AAN ONS BORG VAN DIE WEEK!

VIVIERS INGELYF

PROKUREURS

Skakel Pierre Viviers vir die volgende regsdienste:

- * Opstel van testamente
- * Boedel- en aftreebeplanning
- * Bereddering van bestorwe boedels
- * Stigting van trusts
- * Registrasie van onroerende eiendom
- * Siviele litigasie – Hoë- en Landdroshof
- * Skuldinvorderings
- * Huweliksvoorwaardeskontrakte
- * Lugvaartregsdienste
- * Lugvaartversekering – FSP nommer 43890

Eerstevloer
Octrongebou
James Morokalaan 62
Potchefstroom
☎ (018) 297-5201 k/u
pierre@viviersattorneys.co.za

